



July 2006

Official Newsletter of the KwaZulu-Natal Department of Transport

Usuphothuliwe umsebenzi wokuqala wokuxhumanisa iPinetown noMashu



Abasika iribhoni kusuka kwesokunxele iNhloko yoMnyango uDkt Kwazi Mbanjwa, uNduankulu uDkt Sbu Ndebele noNgqongqoshe wezokuThutha, ukuPhepha nokuXhumanisa uMphakathi KwaZulu-Natal uMnuz Bheki Cele. Lapha bekuvulwa ngokusemthethweni umgwaqo uP577.

"Kuyacaca manje ukuthi iKwaZulu-Natal isiqualile ukubhala umlando futhi okuzokuba ngumlando ogcwele indumiso nokuhlonishwa, njengoba sisesikhathini esinika ithemba ngokulethwa kwengqalasizinda njengamabhuloh abahamba ngezinyawo, imigwaqo engenela ezakhiweni zemiphakathi, ukuphepha emgwaqeni nohlelo lwezithuthi zomphakathi ezisebenza ngendlela efanele."

Usho kanje u N d u n a n k u l u waKwaZulu-Natal uDkt S'bu Ndebele ngenkathi kuvulwa ngokusemthethweni isigaba sokuqala sokwakhiwa komgwaqo uP 577 kusuka eDuff's Road kuya kuNanda Road.

Ukulungiswa komgwaqo uP 577 kuzosiza kakhulu ukwehlisa isiminyaminy emgwaqeni kwenze lula nakubantu ukusuka KwaMashu beya eNewlands. Njengolunye lwezinhlelo ezinkulu zentuthuko eNingizimu Afrika, isigaba sokuqala sakhiwe saba yibanga elingamakhilomitha amahlana kanti usuwonke uzokuba yibanga elingamakhilomitha angu-14 kusuka kuDuff's Road kuya KwaDabeka.

Ukwakhiwa kwalo mgwaqo ozokudla uR250 million kuqale ngo-2003 kanti kulindeleke ukuba kuphothulwe ngo-2009 ngaphambi kokuba kuqale iNdebe yoMhlaba ka-2010. Lo msebenzi ungomunye

waleyo ebekwe phambili ezinhlelweni zikahulumeni futhi kulindeleke ukuba ube nomthelela omkhulu enhlalweni nasemnothweni kule ndawo.

Lo mgwaqo awuzofinyenza ne ibanga phakathi kwezindawo ezithuthuka ngesivinini iPinetown neMount Edgecombe, kodwa kuzovula namathuba amasha ezomnotho azothuthukisa imiphakathi ehlala eduze kwalo mzila eyayincishwe amathuba phambilini.

Ekhuluma nezakhamizi ebezihambele lo mcimbi, uNdebele utho nokho ukwakhiwa komgwaqo akuzogcina ngokuthela izithelo ezinhle kuphela wathi kodwa kuzobuye kuze nezinselelo. "Ibalewa ku-820 iminden iokudingeke ukuba isuswe kule ndawo kwathi ngokubambisana noMasipala weTheku abantu bathuthelwa ezindlini ezintsha abaxhaswa ngazo," kusho uNdebele. UNdunankulu ubuye wanxusa umphakathi ukuba uziphathe kahle ungenzi izinto ezizobambezela ukwakhiwa komgwaqo.

UMthembeni waseSiyanda ohola impesheni, nokwazile ukuhamba ngezinyawo weza lapha naphezu kweminyaka yakhe yobudala, utho: "Ukwakhiwa kwalo mgwaqo kusho ukuthi uma ngingdinga usizo oluphuthumayo, abama-ambulensi namaphoyisa sebezokwazi ukufika ngokushesha ngaphandle kokulibala okungenasidingo."

Ngokuhambisana nomgomo kahulumeni wokufukulwa kwabamnyama kwezomnotho, okungenani ingxene (50%) yomsebenzi wesigaba sokuqala yenziwengosonkontilekaabafufusa. UNdebele uwushayele ihlombe uMnyango wezokuThutha KwaZulu-Natal ngokuzibophezelwa kwavo ekuphuculen iizimpilo zemiphakathi eyayincishwe amathuba phambilini.

"Umsebenzi wokwakha uhlewe ngendlela yokuthi kuqinisiswe ukubandakanya kosonkontileka abasafufusa. Uyothi uphothulwa lo msebenziingxenyeyawoengapezulu

Magwaza kuka-50% iyobe isiyenziwe ngosonkontileka abasafufusa, nakuba kuwumsebenzi ohlanganisa izinto eziningi eizijulile kwezobunjiniyela.

"Osonkontileka abangu-28 abangaphansi kohlelo lukaVukuzakhe nezinkontileka ezintathu ezinkulu yizona ebezihanganyele kulo msebenzi wesigaba sokuqala," kusho uNdebele.

Abalewa ku-3 500 amathuba emisebenzi azokwakheka ngokwakhiwakomgwaqowonkekanti kunosonkontileka bakaVukuzakhe abangu-19 okulindeleke ukuthi bathole ngokuhlanganyela imali engapezulu kuka-R24 million.

UNgqongqoshe wezokuThutha, ukuPhepha nokuXhumanisa uMphakathi KwaZulu-Natal uMnuz Bheki Cele udlulise umyalezo oqinile kubo bonke abashayeli kuhlanganisa nabezithuthi zomphakathi ukuthi bangalinge badalezingozi zomgwaqo ezingenasidingo kulo mgwaqo.

"Asizile ukuzovula umzila wokufa lapha kodwa sizovula

umgwaqo ozokwenza ngcono izimpilo zezakhamizi zale ndawo. Ngithanda ukunxusa bonke abasebenzisi bomgwaqo ukuthi mabahloniphe imithetho yomgwaqo, bonke abashayeli mabahloniphe umgomo wejubane ukuze kugwemeke ukulahleka kwezimpilo okungenasidingo," kusho uNdosi.

UMagaye uphinde waxwayisa nabahamba ngezinyawo emgwaqeni ukuthi mabasebenzise amabhuloh abakhelwe wona uma bewela umgwaqo ngoba abantu abaningi bafa ngenxa yokunqamula ngezinyawo emigwaqeni ematasaka kakhulu.

"Futhi ukuze kube lula kubantu baseNewlands ukuwelela eSiyanda naKwaMashu, sekwakhwe amabhuloh abahamba ngezinyawo ukuze kugwemeke ukufa kwabantu. Kuphinde kwakhiwa nezindawo zokuhamba eceleni komgwaqo ngokunjalo nezitobhi zokulayisha nokwehlisa abagibili bezithuthi zomphakathi, okuyinto edle izigidzamarandi," kuphetha uCele.

Umsebenzi wamalayisensi ulethwa eduze kwabantu

Njemeng xenye yokuzibophezela ekuyiseni uhulumeni kubantu, uMnyango wezoku Thutha a

KwaZulu-Natal usuvule isikhungo sokuvuselela amalayisensi ezimoto esaziwa ngokuthi phecelezi, Vehicle Licence Renewal Office, eBallito ogwini olusenyakatho yeTheku.

Lokhu kwenza zibe ngu-72 izikhungo zamalayisensiesezakhwi esifundazweni sonke kusukela ngo-1994, ezingu-18 zazo ezakhwi ezindaweni ezazinganakiwe phambilini njengaKwaNgwanase, KwaMaphumulo, eNquthu, eNkandla, eMlazi naseNdwedwe.

Ethula inkulomo yakhe emcimbini wokuvulwa kwala mahhovisi ngokusemthethweni muva nje, uNgqongqoshe wezokuThutha, ukuPhepha nokuXhumanisa uMphakathi KwaZulu-Natal uMnuz Bheki Cele uthe uma umgomu weBatho Pele ungesona isisho nje, futhi sifuna ukwakha uhulumeni onakekela izidingo zabantu bakithi, kuzomele siqinisekise ukuthi siletha izidingo ngendlela esheshayo negculisayo.

"Umphakathi uba nentando yenigi kuphela uma abantu abasemazingeni aphansi nabo bethola amalungelo atholwa yilabo abasemandleni kwezomnotho nenhlalo jikelele. Uma sinalokhu emqondweni, sizohlale sikhazi ukwenza imigomo yeBatho Pele isebezeni siqinisekise ukuthi izidingo zezakhamizi zaKwaZulu-Natal ziyabhekelwa," kusho uCele.

Emizamweni ebheke ekulethweni kwezidindo ngokudidiya kusethenziswa izinhlelo zokubambisana, uMnyango wezokuThutha usuqlise ngezingxoxo zokuthi kwensiwe nomsebenzi wokukhishwa kwezincwadi zokushayela khona eBallito.

"Nginxusa umkhandlu kaMasipala waKwaDukuza ukuba ukubheke kabanzi lokhu ngoba kungasiza nasekunciphiseni isiminyaminy nemigqa emide ehlale ikhona esikhungweni samalayisensi saKwaDukuza," kusho uNdosi.

Ukulethwa komsebenzi eBallito namaphethelo sekusenysile isibalo sezimoto saya ku-29 527, okusho ukukhula ngo-6% ngonyaka. Ukwenyuka kwemali yamalayisensi njalo ngonyaka nako sekusizile ekwandiseni imali engena esikhwameni sikaMasipala ekugcineni ezohlomulisa umphakathi ngokuthola izidingongqangi.

Ukuvulwa kwesikhungo saseBallito kube wumphumela wohlelo olwaqala ngenkathi imisebenziyokuhiphama malayisensi isabalaliswa isuka ezikhungweni zoMnyango wesifundazwe iya ngaphansi koMnyango wezoBulungiswa njengendlela



yokusabalalisa usizo lwezidindo.

Kodwa-ke, ngo-1990, uMnyango wezoBulungiswa waveza ukuthi wona ngeke usangena ezintweni ezithinta ukunxeshezelwa, okwazi nge-third party. Lokhu kwaholela ekutheni uMnyango wezokuThutha ufune ezinye izindlela. Kwathi ngo-1994 ngenkathi sekungena uhulumeni usizo lwezokuthutha eduze

wentando yenigi, uMnyango wathatha igxathu lokunxenxa ezinye izigaba zikahulumeni ukuba zisebenze ngokubambisana ekuletheni uhulumeni onakekelayo nosebenza ngokuvulelekile kubantu bonke. Yingakho-ke kwacelwa uhulumeni wasekhaya ukuba ulekelele uMnyango ekuletheni usizo lwezokuthutha eduze

kwabantu.

Phakathi kwabanye omasipala, kwensiwa isivumelwano noMasipala waKwaDukuza ukuthi wakhe isikhungo sokubhaliswa kwezimoti nokukhishwa kwamalayisensi, kuhlanganisa nokuhlola izimoto nokuhlolela izincwadi zokufundela ukushayela nezokushayela.

Kwesingenhla: UNgqongqoshe uBheki Cele, iMenenja yoMnyango uChris Hlabisa namalungu omkhandlu kaMasipala waKwaDukuza bavula amahhovisi amasha amalayisensi ezimoto. Ngenzansi: UCele usesiza ihasimende lokuqala ukufika lapha.



KUSUKA KWESOKUNXELE - IMenenja yoMnyango wezokuThutha ophikweni lwe-Strategic Planning, uJames Mlawu, iNhloko yoMnyango uDkt. Kwazi Mbanjwa neMenenja yophiko lwe-Implementation, uChris Hlabisa, bathathwe lapho kwenziwa khona imisebenzi yemigwaqo namabhulohlo ngenkathi kunomkhankaso wokuhambela lezi zindawo ngesonto lezokwakha iConstruction Week.

Ibonakale iyithemba lentuthuko yemigwaqo iKZN

INhloko yaMnyango wezokuThutha KwaZulu-Natal, uDkt Kwazi Mbanjwa usezwakalise ithemba gentuthuko KwaZulu-Natal kulandela ukugubha koMnyango usuku lwezokwakha kuzwelonek iNational Construction Week muva nje. Lo mgubho weniwe ngokuhambela izindawo okwakhiwa kuzona imigwaqo kulesi sifundazwe.

IKwaZulu-Natal ihlale iyisibonelo ngokuqequesha, ukugugquzelu nokubandakanya osonkontileka abasafufusa ekwakhiweni kwemigwaqo esifundazweni. UMbanjwa utshele iNingizimu Afrika ohlelweni iFocus ku-SABC 1 ukuthi lesi sifundazwe sisendleleni yokuvuna izithelo zombono woMnyango ezokuThutha wokuthi "Impumelelo ngezokuThutha".

UMbanjwa uthethlelo loMnyango lokufukula abamnyama kwezomnotho olwaziwa ngoVukuzakhe, seluveze izinkampani ezintsha zokwakha imigwaqo esifundazweni eziqhamuka emiphakathini eyayincishweamathubaphambilini, kuhlanganisa nabesifazane abamnyama.

"Njengoba izwe ligubha futhi lihakambisa umsebenzi

wokwakhiwa kwemigwaqo, ngaphandlekwayo engeke ibekhona intuthuko, siyaziqhenya ngokuthi njengoba phambilini umsebenzi wonke ubunikezwa inkampani eyodwa enkulu, manje sesiyakwazi ukunikeza izinkampani ezincane ezahlukene nazo ezikwaziyo ukwenza umsebenzi ngokufanayo.

"Osonkontileka abasafufusa bayakwazi nabo ukwenza umsebenzi osezingeni elifanele, kanti ngaphezu kwalokho umsebenzi wabelwa izinkampani ezahlukene okungefani nokugixabeza inkampani eyodwa enkulu," kuchaza uMbanjwa.

Uthe njengengxenyen yokegubha i-Construction Week, izikhulu zoMnyango zike zavakashela imisebenzi eminingi eyenziwa uMnyango emazingeni omphakathi zifuna ukubona ukuthi yini eyenziwa ngosonkontileka abancane ngenhoso yokuthola okungaba yizinkinga nokuthola kuthi zingaxazululu kanjani ukuze kuqhubeke kahle umsebenzi. "Into ebalulekile kithina ngukuqinisekisa ukuthi asiguquki ekwenzeni umsebenzi ngokusezingeni," kugcizelela uMbanjwa.

Imisebenzi ehanjelwe yizikhulu zoMnyango futhi ebaluliwe kuSABC ihlanganisa nalena:

- Umsebenzi wezigidi zamarandi

osanda kwethulwa wokwakhiwa komgaqo eSani Pass owenziwa ngokubambisana noMnyango wezokuThutha kuzwelonek;

- Umgwaqo ongaphansi kohlelo oluhlanganisa Inanda, Ntuzuma noMashuoluyingxenyezezhlelo ezikhonjwe nguMongameli wezwe njengeziphuthumayo. Isigaba sokuqala salo mgwaqo sesiphothuliwe;

- Imizila eyakhelwe ukuggugquzelu umnotho KwaZulu-Natal ehlelwe ukulungiswa njengo-P 235 kusuka eMtubatuba kuya KwaHlabisa, Nongoma, Vryheid nasoPhongolo;

- Uhlelo lokuxhumanisa amadolobha amane amakhulu KwaZulu-Natal - iTheku, uMgungundlovu, Ulundi neRichards Bay.

- Umgwaqo up 68 kusuka eMthentweni eningizimu kuya eHighflats.

Lena ngeminye yemisebenzi okulindeleke ukuba ibe negalelo ekukhulisweni na sekuthuthukisweni komnotho waKwaZulu-Natal. Iyishiyagalombili imisebenzi yalolu hlobo lwemizila ehlelwe ukuthuthukiswa.

UMbanjwa uthethlelo Construction Week bekuhalalisewa uMnyango wezokuThutha

KwaZulu-Natal ngokukwazi kwawo ukuqinisekisa ukuthi osonkontileka abasafufusa bayahlomula emisebenzi yokwakha imigwaqo esifundazweni.

Uchaze wathi: "Siyayisabalalisa imisebenzi esikhundleni sokunika izinkampani ezinkulu zenze wonke umsebenzi, sinika osonkontileka abancane abenza ingxene engu-50% yomsebenzi obunokwensiwa inkontileka enkulu. Isibonelo, u-50% ka-R250 million ofakwe ekwakhiwi komgaqo kuDuff's Road uzotholwa osonkontileka abasafufusa."

Uthe uMnyango wakhe usuhlanganisa uhla lwemininingwane yosonkontileka asebenolwazi abazokwenza imisebesenzi ezoqala njengoba izwe lilungiselela iNdebe yoMhlaba ka-2010. "Kukhona inkundla nesikhumulo sezindiza okuzokwakhiwa kulesi sifundazwe, ngakho-ke labo sonkontileka bazosetshenziswa kakhulu.

"Kumele baxhaswe labo sonkontileka, kanti vele sinayo imigomo eqinisekisa ukuthi bayabandakanya kuyo yonke imisebenzi kahulumeni. Ukuhambela kwethu lezi zindawo kusinike ithuba lokubona uhlobo losonkontileka esinabo sathola

ukuthi kanti sesingababiza uma sesikhapha le misebenzi ngoba lapha sikhuluma ngezigidigidi zamarandi, hhayi izigidi," kusho uMbanjwa.

"Siqale ngo-1998 kodwa sisekhipize osonkontileka asebelungele ukuzimela nasebefuna ukwenza imisebenzi emikhulu. Sasisele emuva ngamakhilomitha angu-12 000 emigwaqo esifundazweni kodwa namhlanje sesikwazile ukuvala igebe lika-7 000 wamakhilomitha," kwengeza uMbanjwa.

Upethe ngokuthi: "Sifuna imigwaqo emihle eya ezinkundleni ngo-2010. EGermany sithole ukuthi ngomdlalo nje bebebalelw ka-70 000 abantu abaya enkundleni, kodwa obhazabaza bezithombe (big screen) bebeheha izihlwele ezifinyelela ku-700 000 – ngakho-ke imigwaqo kumele ibe ngemihle ukuze abantu bakwazi ukuthokozela imidlalo ka-2010. Sifuna ukuqinisekisa ukuthi izithuthi zomphakathi zisemweni, kuhlanganisa nemikhumbi nezindiza, siqinisekise futhi nokuthi ingqalasizinda yomgwaqo isesimweni esifanele."

UMNYANGO UGUBHA USUKU LWABESIFAZANE

UMNYANGO UGUBHA USUKU LWABESIFAZANE



Inyanga ka-August ithathwa njengethebesifazane lapha eNingizimu Afrika. Ngomhlaka-9 August 2006 bekuphela iminyaka engamashumi amahlanu kwamasha amakhosikazi aya e-Union Buildings ePitoli. Njengengxene yalolo hlelo, uNgqongqoshe wezokuThutha, tukuphepha nokuXhumanisa uMphakathi KwaZulu-Natal uMnuz Bheki Cele uke wamema bonke abasebenzi boMnyango besifazane abasebenza emazingeni okuba ngabasizi wabenzela idili eShaka Marine eThekwini ngomhlaka 11 August.

Bangaphezulu kwekhulu abesimame, ikakhulukazi abenza imisebenzi yokusiza njengokuhlanza amahhovisi nokwenza itiye, abebembele lo mcimbi.

Laba besimame bebeqhamuka kuzo zonke izifunda zoMnyango ezine okunguMgungundlovu, uMnambithi, iMpangeni neTheku kanye nabasebenza enhloko-

hhovisi. Bathole ithuba lokuzicima ngezibiliboco ezahlukene ngenkathi kuqhubeke uhlelo obelugewele injabulo nentokozo.

Kukhona abanye abasebenzi ababe nenhlanhla yokubuyela emakhayane miklomelo ehlukene, okukhona kubona nabasebenzi abane abathole amathikithi okuya eGoli ahambisana namavawusha okuhlala, ukuvakasha nokuthenga ezitolo zakhona.

UNgqongqoshe uCele othole ukunconya okukhulu yilaba besifazane, wenze inkultumo egquqquzelu ngendlela eyisimanga lapha. "Kuyiqiniso elaziwayo ukuthi abesifazane baseNingizimu Afrika babambe elikhulu iqhaza ekuhlanganiseni abantu nasemzabalazweni wezikhali, okuyikona okwakwazi ukubeka iNingizimu Afrika lapho ikhona njengamanje.

"Ningacabangi ukuthi mhlambe asazi ukuthi kukhulunywa ngobani uma kukhulunywa ngani.

Phela nina ningamaqhawe angempela! Sazi kahle kamhlophe ukuthi uma ufukula umuntu wesifazane usuke ufukula isizwe. Siyazi futhi ukuthi kulokho okuncane enikuholayo, baningi asebesizakele nabanye basasizakala namanje. Yingakho-ke nginethulela isigqoko!

"Njengohulumeni sizibophezele ekwakheni iNingizimu Afrika engenakucwasa ngokwebala nangokobulili, kodwa ehangene ngokwentando yeningi nenempumelelo. Nokho, zisekhona-ke izinselelo ezsabhekene nabesimame bakithi njengokuletha kwezinguquko ngokuphelele mayelana nokulingana ngokobulili kuyo yonke imikhakha emiphakathini. Ngithanda ukucizelela futhi ukuthi kumele uqiniswe kakhulu umzabalazo ukuze siqinisekise ukuthi lokho esesikuzuzile kusiholela kokuningi esisakudinga," kusho uCele.

Kufukulwa abesimame embonini yamabhasi

Sesifikile isikhathi sokuthi kugqugquzelwe futhi kwesekwe abesifazane ukuba babe ngabanikazi bezinkampani zamabhasi. Lokhu kugcizelelwе kakhulu emihlanganweni yokucobelelana ngolwazi lwamakhono okuphatha amabhasi esanda kwenziwa nguMnyango wezokuThutha KwaZulu-Natal uyenza esifundazweni sonke.

Le mihangano – owokugcina wayo obusesiFundeni saseMpangeni – ibiyingxene yohlelo oluqhubekeyo yophiko Iwe-Public and Freight Transport lokucija abanikazi bezinkampani zamabhasi ngamakhono nokwazi lokuphatha amabhizinisi abo.

Lokhu kulandela ikhwela elihlatshwe nguNgqongqoshe wezokuThutha, ukuPhepha nokuXhumanisa uMphakathi KwaZulu-Natal uMnuz Bheki Cele ethi kudingeka kuqiniswe kakhulwana ukuqeleshwa kwabanikazi bezinkampani zamabhasi abasafufusa.

Phakathi kwezinto obekuchushiswana ngazo lapha singabala ukucijwa kwezinkampani zamabhasi ngamakhono okuphatha izimali, izindlela zokuthola amathenda okusebenza imizila, ukuhlela uhlaka lokusebenza nokwengamela ngendlela umsebenzi okuvunyelwene ngawo.

Iningi labanikazi bamabhasi abasafufusa abathola imisebenzi ngaphansi kwezinkampani ezinkulu, likhala ngokuxhashazwa yilezi nkampani ezinkulu ngoba lintula ulwazi lokuphatha kwezimali. Ezinye zalezi zinkampani ezinkulu aziziluphi ngisho nangokwazisa laba abasafufusa ababanika umsebenzi uma sebeqedle ukukhkhela amabhasi abo.

UNks Bongiwe Gumede, owake waba ngumshayeli wetekisi oqhamuka



Yibo laba abanikazi bemboni yamabhasi nezikulu zoMnyango abebethamele umhlangano wokuthuthukisa amakhono okuphatha ibhizinisi lamabhasi

kwiSonke Transport, osesebenze

ngebhasi iminyaka emihlanu uthe: "Ngiwubonga kakhulu uMnyango wezokuThutha ngokusihlelelo lo mhlangano wokucobelelana ngolwazi. Manje sengiyakwazi ukuzakhela uhlelo lokusebenza ngebhizinisi futhi

sengizokwazi ukubona ukuthi ngabe ibhizinisi lami liyayenza yini inzuko

noma cha."

UNks Fikile Mnguni naye oqhamuka kwiSonke Transport, uthe: "Lena bekuyimboni eyaziwa njengeyabesilisa kakhulu, kodwa ozakwethu bakombise ukuseseka kakhulu."

UMnuz Senzo Buthelezi we-Amandla Transport uthe: "Sivame

ukunikezwa izindawo zasemakhaya

ukuba sisibenze kuzona kanti iningi lazo linemigwaqo yebhuqu, okuba nomthelela esimweni sempilo yamabhasi ethu. Yingakho-ke sibona ukuthi kusadingeka imihlangano eminingi yalolu hlolo."

Umgqugquzel iwalo mhlangano eMnyangweni, uNozie Mthethwa

uthe: Sizoqhubeka nale mihangano. Lokhu kuzosiza ekufukuleni abanikazi bamabhasi abancane ukuze bakwazi ukusebenza ngokuzimela bakwazi nokzitholela amathenda emisebenzi emikhulu esikhathini esizayo."

Intsha yesifazane ayizibekile phansi kwezokwakhiwa kwemigwaqo

Njengeng xenye yokugubha inyanga yebesifazane, Igalelo like lavakashela abesimame asebelethe ushintsho olukhulu kwezokwakhiwa kwemigwaqo baqopha nomlando omusha kwezobunjiniyela.

Omunye walaba nguNks Makhosi Nyanden (25) wasoLundi oveze ukuthi phambiliyi wenza izifundo zosizo lokuqala i-First Aid wathola nezincwadi zakhe zokushayela ngoba efuna ukusiza ezimweni eziphuthumayo, kodwa phezu kwalezi zifundo zakhe akawutholanga umsebenzi.

Nokho-ke, nakuba engaphumelelanga kulokho ayekuhlosile ngezifundo zakhe, akalilahlanga ithemba. Wabe esebheka eminye imikhakha, okuyilapho agcina eseashwe ngusonkontileka osafufusa ngaphansi kohlelo lukaVukuzakhe. Kuyimanje uNyandeni usebenzela Uthulwane Construction okuyinkampani eyakha amaV-drain emgaqwensi uP 700 oLundi.

Umgwaqo uP 700 uyingxene yohlelo loMnyango wezokuThutha kulesi fundazwe olwaziwa nge-African Renaissance Roads Upgrading Programme (ARRUP). Kulapha-ke lapho uMakhosi ephumela obala efakaza ngokuthi ngempela uhulumeni wentando yeningi obusayo uya ngokuya ubafukula nabesifazane abasebancane ezindaweni zasemakhaya ngezinhlelo ezifana neze-ARRUP.

"Sekungokwesibili manje ngiba



wokuphatha emahovisi," kusho uNkomonde.

Kusukela ngo-1994 uMnyango wezokuThutha KwaZulu-Natal usuwakhe imigomo eqinisekisa

ukuthi kunamathuba okuzithuthukisa anikezwa labo ababencishwe amathuba phambiliyi, manje abantu sebephumela obala bayafakaza ukuthi seziguqlwe kanjani izimpilo zabo.

Abasebenzi iningi labo okuyisimame baphezu komsebenzi wokwakha umgwaqo.

UMnyango nelinye igxathu lokuqedo ukulayisha ngokweqile



Kwesikhulu: Umgwaqo ogcwele umoba ezigcina ngokudala izingozi emgwaqeni
Kwesincane: Amaphoyisa omgwaqo nezikhulu zoMnyango zihlola iloli elithwele umoba.

Kuliwa nezingozi ezidalwa imigodi nomoba ochitheka emgaqwani

UMnyango nendaweni yaseMid-Iollo nase-Eston basanda kuletha amaloli abo esikhungweni samaphoyisa omgwaqo iRoad Traffic Inspectorate (RTI) eMkhondeni, bezowafaka esikalini sesisindoukuzebakhonjiswe ukuthi bangaqinisekisa kanjani ukuthi balayisha umthwalo ofanele ngokwesisisindo.

Njengengxene yalo mkhankaso, kuke kwaba nokhukhulela ngoqo womhlangano khona endaweni yaseMid-Iollo ngoJuly lapho kuxoxiswane kahle nabalimi abathintekayo.

Kusazokuba neminye imihlangano yokubonisana ngelesi simo ezindaweni ezigaya umoba ezingaphansi kwesifunda saseMgungundlovu njenge-Eston, Noodsberg neDalton. Abalimi abathintekayo lapha bahlanganisa labo asebesimeme nabasafufusa kuleli bhizini.

Igalelo like laba nengxoxo ekhetekile nezikhulu zoMnyango ezbibekene nalolu hlelo okungu-Principal Provincial Inspector Chris Coucourakis kanye noMnuz Blake Mackenzie oyiMenenja e-Cost Centre futhi onguchwepheshe

omkantshubomvu kwezokwakhiwa komgwaqo.

UCoucourakis uthetho lolu hlelo lokufundisa luhlose ukuqwashisa abasebenzisi bomgwaqo ngokushiwo umthetho iNational Road Traffic Act ethi: "Noma ngubani olimaza umgwaqo womphakathi ngenhlosu noma ngokunganaki uyotholwa enecala futhi angagwetshwa adonse ejele kungedluli onyakeni owodwa, noma akhokhe inhlawulo, noma akwenze kokubili."

Ngokulandisa kwalo mthetho okuyiwona onika umhlahlandlela ekubhekeleni ukugcinwa komthetho, ngaphandle kokunika lesu sigwebo, inkantolo isanganquma ukuthi lowo mutu akhokhele uphiko olubhekene nemigwaqo ezweni isamba, ngokubona kwenkantolo esilingana nonomakalo owenzekile.

Exwayisa labalimi uCoucourakis, uthetho kumele bazi ukuthi amaphoyisa omgwaqo anegunya lokungabeki icala umshayeli okuvame ukuthi abe ngumqashwa nje, kodwa babophe umnikazi weloli uqobo.

"Abangathandi-ke ukuya enkantolo, bazimisele ngokulandela

umthetho, ngikhulumu nje sebeqashe ngisho abantu abaqinisekisa ukuthi ziyaqoqwa izinqamu zomoba eziqathaka emalolini alayishwe ngokweqile. Lokhu sekunika nabantu bendawo amathuba emisebenzi," kwengeza uCoucourakis.

NgoJuly uwodwa nje, emalolini angu-6 300 ahlolwe yiRTI eMgungundlovu, angu-22% atholakale ukuthi alayishe ngokweqile. La maloli afakwe ephawundini kwathi abashayeli bakhokhiswa inhlawulo. Izimoto zize zadedelwa ngoba umthwalo usuphunguliwe waba yisisindo esifanele.

UCoucourakis ukholwa ngukuthi uMnyango usukwazile ukwakha inkundla yokuxazulula ezinye zeingaqinamba ezikhathaza kakhulu emigwaqweni. Lokhu sekuholele ekutheni abalimi bathole ngisho ukwelulekwa ngokuthi bangazithola kanjani izimvume zokusebenzisa amalambu aphuzi emalolini abo ngezikhathi zenkungu, ngoba iloli elingabonakali elihamba kancane lingadala enkulu ingozi lena.

"Uma sebedlule kuyo yonke

imigudu esemthethweni yokuthola imvume yokusebenzisa amalambu, uMnyango uzobe usukwazi ukufaka izimpawu zomgwaqo ezixwayisa abashayeli ukuthi baqaphele amaloli ahamba kancane anamalamambu aphuzi," kuchaza uCoucourakis.

UMackenzie uthetho umkhankaso woMnyango uzophinde udlulele nakulabo abathutha izingodo ngoba abanikazi bamaloli athwala izingodo nabo bayinkinga enkulu ekulimaleni komgwaqo. Phezu kwalokho, iloli elilayishe izingodo ngokweqile lingadala inhlakelele ngoba imoto ehamba ngesivinini sika-120 K/h ayikwazi ukugwema kalula ugodo uma luqathaka elolini.

UMackenzie ubuye wazwakalisa ukujabula ngabaphathi besigayo i-Eston Sugar Mill kanye nabalimi basendaweni yase-Eston naseMid-Iollo ngokubambisana okuhle abakuthola kubona.

Ngemininingwane ethexaxangalolu hlelo ungaxhumana noMnuz Blake Mackenzie enombolweni ethi: (033) 387 2320.

Ukulungiswa kweSani Pass kuzoletha impilo engcono



Kuphendulwa isoyi: INhloko yoMnyango uDkt. Kwazi Mbanjwa, UNggongqoshe uMnu Bheki Cele, uNdunankulu uDkt S'bu Ndebele, UNggongqoshe wezokuThutha kuzwelonke uMnuz Jeff Radebe noMnuz Martinus Van Schalkwyk wezeMvelo nethimba laseLesotho.

Ezokuvakasha, ezohwebo nezolimo sezithole okukhulu ukweseekwa okuyinto ezokhulisa nezomnotho emphakathini wase-Underberg nezindawoezizungezile, kulandela ukwethulwa ngokusemthethweni komsebenzi wokulungiswa komgaqo waseSani Pass.

Lo mgwaqo ongamakhilomitha angu-33 nozokudla isamba semali engaphezulu kuka-R100 million kulindeleke ukuba uphouthulwe eminyakeni emithathu.

Bekungokokuqala ngqa emlandweni wabantu bakuleli dolobhana eliphansi kwezintaba zokhahlamba ukuthi babone abaholi babo kusuka kuhulumeni kazwelone, owesfundazwe, kuya kowasekhaya, bezohlanganyela ekuqinisekiseni ukuthi lo msebenzi uphouthulwa ngempumelelo.

Phakathi kwethimba likahulumeni ebelihambele lapha bekukhona unggongqoshe wezokuThutha kuzwelonke uMnuz Jeff Radebe, ovezekuThutha, ukuPhepha nokuXhumanisa uMphakathi uMnuz Bheki Cele nowezoLimo nezeMvelo uSolwazi Gabriel Ndabandaba bobabili okungabaKwaZulu-Natal.

Lo mcimbi ubuhanjelwe

nayithimba likahulumeni waseLesotho, ebelihlanganisa unggongqoshe wezokuVakashu uNks Lebohang Ntsiyi, owezeMfundu uMnuz Mohlabi Tseoka nowezeMisebenzi yoMphakathi uMnuz Popane Lebesa. Phela lo msebenzi wokulungiswa komgaqo waseSani Pass obuye waziwe ngoP318 uzokwenza ngcono indlela yokuhamba kubantu abahamba phakathi kweNingizimu Afrika neLesotho.

Lezi zikhulu zikahulumeni bezizoqinisekisafuthiemphakathini ukuthi nakuba iNdebe yoMhlaba ka-2010 izodlalelwemadolobheni amakhulu njengeTheku, kodwa lo mgwaqo uzobahlomulisa nabo kulo mqhudelwano webhola njengoba izivakashi zizokwazi ukuchitha isikhathi sazo kule ndawo enotho ngamagugu nomlando.

URadebe uthe kuyinto ebalulekile ukuthi iNingizimu Afrika yakhe izintuba zokungena nokuphuma emazweni alesi sifunda esisingizimu ye-Afrika, aziwa ngeSouth African Development Committee (SADC), uma kulungiselelwa u-2010. "Kumel senze ngcono izintuba zokungena emingceleni, okusho ukuthi lo msebenzi ufike ngesikhathi esikahle," kusho uRadebe.


UMnyango wezokuThutha kuzwelonke ufafe isamba semali esingu-R85 million ekulungisweni

komgaqo kusuka eHimeville kuya emngceleni waseLesotho, kanti iKwaZulu-Natal yona izobe seyengeza ngenye imali edingekayo. UNggongqoshe uVan Schalkwyk uthe kuzokwenziwa ucwaningo olufanele mayelana nokuthinteka kwemvelo ukuze kuqinisekiswe ukuthi ayiphazamiseki ngokungafanele.

UCele uthe kuzokuba nezinyathelo eziqinile zokuqinisekisa ukuthi uma iqhwalencia alingeni ngaphansi kwetiylebese umgwaqouyaqhuma okwenza ungasebenziseki. "Siyaziwa-ke ngokuhlale sigcizelela ukuphepha emgwaqeni, ngakho-ke nalapha sizoqinisekisa ukuthi ngenkathi senza umgwaqo ube muhle, kodwa bonke abawusebenzisayo bayayihlonipha imithetho yomgwaqo," kusho uNdosi.

EkhulumaneGalelo, oyikhansela lendawo uMnuz Mdu Banda uthe: "Lokhu kulungiswa komgaqo akuzosiza nje ukufukula umnotho ngezokuvakashanangezohwebo kuphela, kodwa kuzosisiza nasenkingeni yokwebiwa kwemfuyo eloeku iyinselelo lapha. Buka nje uma imfuyo yakho yebiwe bese uyithola eLesotho, awukwazi ukuthola iloli elizokuthwalela yona liyilethe ekhaya ngenxa yesimo somgwaqo. Uyaphoqeka ukuthi ulale endle nazo izinkomo nezimvu zakho."

"Siujabulela kakhulu lokhu kuzovula namathuba umsebenzi kahulumeni. Ukhomba kona ukuthi ungowabantu bonke noma ngabe usemadolobheni amakhulu noma emadolobheni amancanyana emakhaya. Esikujabulela nakakhulu ngukuthi



Akusekho ukubheka emuva kowoMnyango okhubazeke ngamehlo



UMandla Madlala uyisibonelo kwabakhubazekile ngomsebenzi asewenzile waze wathola isitifiketi eKZN Optima College.

UMandla Madlala uses mangaze abanangi ngokuba nekhono elingandile nakuba engakwazi ukubona ngenxa yokukhubazeka ngamehlo.

Umfo kaSishi lona osebenza ukubamba izingcingo (switchboard operator) ekomkhulu loMnyango wezokuThutha KwaZulu-Natal, usanda kukhombisa ukuthi ngempela ngeke esabanjwa ndawo ngenkathi ephasa izifundo zekhompyutha ngamalengiso abezenza izinyanga ezintathu eKZN Optima College for the Blind eNorthdale.

"Kubafundi abane abangaboni abebenza lezi zifundo, kube yimina ngedwa engiphasile kanti nangaphandle nje kwalokho ngithole u-80% kwi-Microsoft Word no-75% kwi-Microsoft Excel," kusho uMadlala.

Uthi uzinike ithuba elanele lokusebenzisa umqondo wakhe ngoba ubephokophele ukwenza ngcono ikhono lakhe ukuze abe semathubeni angcono.

Wengeza athi: "Nangaphandle kwalokho, kudingeke ngiqinisekise ukuthi ngiyaphumelela kulezi zifundo ngoba bengixhaswe uMnyango phela kulandela ukufaka kwami isicelo ophikweni

Iwe-Human Resource Skills Development esaba yimpelelo ngase ngiwuthola umxhaso."

UMadlala uthi bekubaluleke kakhulu ukuthi angawuphoxi uMnyango okuyiwonaobukhokhele ukuqeleshwa kwakhe kanjalo nokuhlala ngaphakathi ekolishi ngoba lokho bekuzobe kusho ukubukela phansi isithunzi sabantu abaphila nokukhubazeka, okumele bahlale bekhombisa ukuthi nabobayakwazi ukwenza njengabantu bonke.

"Ngiwubonga kakhulu uMnyango ngaleli thuba engilitholile lokuthuthukisa ikhono lami ngoba phambilini ulwazi

lwami belugxile ekubambeni izingcingo okuyinto engayifunda esikhungweni sokuqequesha ePitoli," kusho uMadlala.

USishiowangenaemnyangweni wezokuThutha eminyakeni emihlanu edlule, uthi nakuba esakuthokozela ukusebenza ngomshini wezingcingo kulo Mnyango ongomunye wematasaka kakhulu ezweni, kodwa usekulungele ukuthatha inselelo yomunye umsebenzi khona eMnyangweni.

"Angikabi nesiqiniseko sokuthi yiluphi uhlangothi olungathanda ukungisebenzisa, kodwa uma kufanele ngisebenzise ulwazi

lwekompyutha esenginalo, ngibona ukuthi kuzomele ngenze umsebenzi wasemahhovisi noma ngisebenze ukuhlanganisa nokugcina imiminigwane yezinkampani eziningi ezesibenzisana noMnyango, iakhulukazi kwezokwakhiwa komgwaqo," kusho uMadlala.

UMadlala unezinye izifundo ezinhlanu ze-Bachelor of Law azenza e-University of Zululand kodwa wangaziphothula iziqu ngenxa yezibhelu zepolitiki ezahlaselele Nyuvesingeminyaka yo-1980. Unabafowabo ababili, oyedwa wabo ohlala naye eMgungundlovu.

Elinye igxathu elibheke ekuguquleni imboni yamatekisi

Uhlelo lokwenza izithuthi zomphakathi zibe ngeziphephile nezithembe kile eNingizimu Afrika, luthole ukwesekeleka ngenkathi uhulumeni kazwelonek ememezelwa ukuthi sekuqokwe iSiyazi Consortium njengenkampani ezokwenza umsebenzi oyigxene yalolu hlelo olwazi nge-Recap.

Leli kube yigxathu elibaluleke kakhulu ekughutshweni kwe-Recap nasekuqinisekiseni ukuthi ukungenelela kukahulumeni embonini yamatekisi kuthathwa ngendlela efanele. Okubaluleke kakhulu, ngukuthi ukusungulwa kohlaka olwaziwa nge-Scraping Administration Agency kukhomba kona ukuthi sesifikile isikhathi sokususa amatekisi amadala ngasekho esimweni sokuba

semgaqwensi.

Ngalokhu kusho ukuthi esikhathini esiyinyanga eyodwa, zonke izifundazwe zizokuba nezikhungo zazo ezisingethe loluhlelo, izindawo zokucina amatekisi amadalad nomahambanendlwana abazohambela amarenki amatekisi kugqugqzelwe osamatekisi ukuba balethe izimoto zabo ezindala ukuze bathole izinxephezelo zokwesulwa kwezimoto. Uhulumeni uhlale ekugcizela ukuthi abagibeli badinga izithuthi ezingcono, ezithembekile neziphephile, kanti i-Recap lena iyigxathu elibalulekile elibheke kulokhu.

NgoDecember ka-2005, uMnyango wezokuThutha kuzwelonek wakhipha isimemo wasibhekisa ezinhlaneni ezithintekayo ukuba zilethe izincomo ngokusungulwa,

ukuhlela nokupathwa kwe-Scraping Administration Agency njengengxene yesigaba sokuqala sokuhelewa kabusha kwemboni yamatekisi.

Ngemuva kwezinyanga eziyisithupha zokusebenza kanzima, uMnyango usukwazile ukumemezela igama lenkampani okuyiSiyazi Consortium.

UNgqongqoshe wezokuThutha kuzwelonek uMnu Jeff Radebe noMnyango wakhe bagculisekile ngokuthi uhlolo lonke lube nobulungiswa, izinto zenziwa ngokuvulelekile futhi kwanethuba lokuncintisana ngendlela efanele. Umsebenzi we-Recap usuwenze uhulumeni wakwazi ukuthola eminye imiqondo nezincomo eziphusile, ezifakazelwa ukuthi ngempela izakhamizi zaseNingizimu Afrika zikulangazele ukuba yingxene

yokulethwa kwezinguquko kwizithuthi zomphakathi ezweni.

Amaqembu angu-14 osomabhizinisi abefake izicelo kwase kwensiwa uhlolo lokuhlunga okunzulu, olugcine lukhiphe inkampani eyodwa. ISiyazi Consortium yakhiwe izinkampani ezine, iSiyazi Transportation Services, iNeo Solutions, iTshalata & Tshalata Associates neTirhani Auctioneers.

Le nkampani izikhangise kahle kuhulumeni ngenkathi yethula uhlolo lwayo oluhlangabezana nezidingo zethenda, ukufinyelela kalula kosizo kosomatekisi nokwenza uhulumeni angabi sengcupheni ehlale inokubakhona uma kunohlelo olunenselelo nolunemixhantela eminingi njenge-Recap.

ABOUT IGALELO

Igalelo is produced by the KZN Department of Transport

Letters to the Editor as well as general comments can be forwarded to: Igalelo Editor, KZN Transport Department, Private Bag X9043, Pietermaritzburg, 3201. Tel: 033 - 355 8624 Fax: 033 - 355 8632 E-Mail: Logan.Maitry@Kzntransport.gov.za Website: www.kzntransport.gov.za

TRANSPORT RADIO PROGRAMMES

Ukhozi FM's Transport Ibandla

Tuesdays 8-9 pm

To phone in call
089 310 9193

